



Siverth K. Heilmann

UPA 2023/125-1

Atassut

11. maj 2023

Naalakkersuisut nuna tamakkerlugu puigortunngortunik ataqatigiissaarisussamik pilersitsinissaannut suliniummik misissuinissaanik peqquneqarnissaannik Inatsisartut aalajangigassaattut siunnersuut. Misissuinerup inerneru UPA 2024-mi saqqummiunneqassaaq.

(Inatsisartuni ilaasortaq Paneeraq Olsen, Naleraq)

Siullermik Naleqqamiit qulaani qulequtarineqartumut siunnersuuteqarnissinni qujanarujussuaq, imatullu Atassummiit naatsumik oqaaseqarfigissavarput.

Aalangiiffigisassatut siunnersuut tunngavilersuutaasorlu paasinarluinnarpoq pisariaqavillunilu, iluormammi inuit Nunatsinni puigortunngortartut amerliartuinnavimmata, kiffartuussineq suli isumannaatsuunissaa pitsaanerulersinneqarnissaalu aqutissiuunneqartariaqarmat.

Puigortunngortartunik arlalippassuarnik nalunngisaqarpunga, nakkutilliisoqartitsineq imminik ajunngikkaluartoq, malugineqarani ukiuunerani inigisamiit anisimallutik ammanersorsimasullu qiulluinnartunik angerlaassisarsimavugut. Utoqqaat illuinut ilaatigut inissiisarneq ajunngikkaluaqisoq, Atassummiit isumaqarpugut, puigortunngortut immikkut ataatsimoorfigisinnaasaanik ineqartitaasarnissaat.

Imminut killilerpunga, nammineq siorna nukkanik puigortunngorneq atupilooreerlugu toqkukut qimagunniikuunera pissutigalugu. Siunnersuut tunngaviatigut tapersingaarlugu, Atassummiit inassutigissavarput suliap aappasaaneernejartigani ataatsimiititaliamut susassaartumut ingerlateqqaarneqassasoq.

Siunnersuuteqartut qutsavigeqqillugit sulilluarnissarsi, angusaqarluarnissassinillu kissaappassi.